

Na osnovu člana 208. stav 3. Zakona o investicijskim fondovima („Službene novine Federacije BiH“, br. 85/08), Komisija za vrijednosne papire Federacije Bosne i Hercegovine na 234. sjednici održanoj 09.04.2009. godine, donijela je

**PRAVILNIK
O ULAGANJIMA OTVORENIH INVESTICIJSKIH FONDOVA
RIZIČNOG KAPITALA SA ZATVORENOM PONUDOM**

Član 1.

Ovim Pravilnikom propisuju se kriteriji dozvoljenog ulaganja imovine otvorenog investicijskog fonda rizičnog kapitala sa zatvorenim ponudom (u daljem tekstu: Fond) i kriteriji kvalitativnog i kvantitativnog ograničenja ulaganja.

Član 2.

(1) Dozvoljena ulaganja imovine Fonda u skladu sa članom 207. Zakona o investicijskim fondovima (u daljem tekstu: Zakon), osim udjela u društvima koja nisu dionička društva, realizuju se na berzi ili drugim uređenim javnim tržištima vrijednosnih papira Federacije BiH, Republike Srpske, država članica Evropske Unije i drugih država.

(2) Ulaganja iz stava 1. ovog člana moraju biti predviđena u prospektu i statutu Fonda s jasno naznačenim tržištima vrijednosnih papira pojedinih zemalja u čije se vrijednosne papire može ulagati.

(3) Berzanska tržišta izvan članica Evropske Unije su sva ona tržišta koja su kao takva određena propisima matične zemlje.

(4) Ulaganje imovine Fonda u neuvrštene vrijednosne papire dozvoljeno je isključivo ako je to propisano prospektom i statutom Fonda.

Član 3.

(1) Fond ne može uzimati ili davati kredite ili zajmove po bilo kojoj osnovi u periodu od dvije godine od osnivanja Fonda do zaključenja pristupa posljednjeg ulagača u Fond.

(2) Izuzetno od stava 1. ovog člana, Fond može uzimati ili davati kredite ili zajmove i ranije od isteka roka od dvije godine, ukoliko ulagači izvrše uplate u Fond u iznosu ne manjem od 10.000.000,00 KM.

(3) Istekom roka od dvije godine od osnivanja Fonda, Fond ne može uzimati ili davati kredite ili zajmove po bilo kojoj osnovi sve dok postoji obaveza uplate svih ulagača.

(4) Izuzetno od stava 3. ovog člana, Fond može uzimati ili davati kredite ili zajmove ukoliko se ulagači na pozive društva za upravljanje investicijskim fondom pisano izjasne o nemogućnosti ulaganja u Fond.

(5) Zabranjeno je davati zajmove iz imovine Fonda društvima u koja ulaže Fond.

(6) Zabranjeno je davati zajmove iz imovine Fonda ulagačima u Fond.

Član 4.

Ovaj Pravilnik stupa na snagu osmog dana od dana objavljivanja u „Službenim novinama Federacije B i H“.

Predsjednik
Komisije za vrijednosne papire
Federacije Bosne i Hercegovine

mr Hasan Čelam

Broj: 01-02-1271/09

Sarajevo, 09. aprila 2009. godine